

Industria Creativo den pleno ehecucion!



Coronacion di 2 aña di trabou intensivo, hopi preparacion, multiple reunion, nochinan largo t'e resultado cu por aprecia den Free Zone desde awor cu e apertura a wordo realisa te cu aki 3 siman. Nelson Gonzalez, drs Gijs de Rooij di Departamento di Asunto Social cu hunto cu Gina Jie Sam Foek di Biblioteca Nacional di Aruba y e hoben estudiante Ewald

Cecilia, cu awor ta studiando na Hulanda, tur mester wordo menciona y gradici pa nan labor y dedicacion n'e realisacion di e Bienale aki. Nan por mira bek riba un cosecha grandi como resultado di e simianan cu nan a planta! No por keda sin expresa publicamente palabranan di gradicimento pa Mondriaan Fonds, Prins Bernhard Culturfonds, UNOCA, Wine & Dine,

Divi Corp, Gobierno di Aruba, y mas cu no ke wordo menciona, kendenan a aporta y contribui cu e organisacion di Prome Encuentro Bienale, hunto cu Ministerio di Cultura. Desde un principio Minister Michelle Hooyboer a expresa cu mirando e desaroyo positivo cu arte contemporaneo ta pasando aden na Aruba e tempo a yega pa "step up y move on to another level" Awe nos por bisa Aruba su Bienale ta riba mapa, anto con! Artistanan manera Ciro Abath, Stan Kuiperi, Ryan Oduber, Osaira Muyale, Glenda Heyliger, Nelson Gonzalez a demostra cu nos a yega e otro nivel! Cu un Bienale, un Museo Zona Libre y un Academia di Arte Gerrit Rietveld, cultura di Aruba ta habri un capitulo nobo y in-



teressante. Desaroyo di e asina yama "creative industries" ta den pleno ehecucion y mester

sigui cultiva y engrandece e momentum aki.